



UNIVERSITÄTS-
BIBLIOTHEK
PADERBORN

Universitätsbibliothek Paderborn

Symma Practica Theologiae Mysticae

Gelen, Victor

Coloniae Agrippinae, 1652

De spectantibus ad ipsam summam. Decisio Prima.

urn:nbn:de:hbz:466:1-9766

DE SPECTANTIBVS AD IPSAM SVMMA M.

DECISIO PRIMA.

ATTINGIT (vtiq; Sapientia Diuina) à fine & vsque in finem fortiter, & disponit omnia suauiter. Fortiter quidem, eo quod in nunc æternitatis, absque vlla operationis debilitate, omnem Diuinitatis suæ beatitudinem perfectè consequatur ad intra. Suauiter autem, eo quod intermina sua bonitate aliud à se, quantumcunque illud etiam in supremo Angelorum præstans sit, creatum esse & coëxistere, possit sustinere ad Extra; pro vt omnes de facto etiam sustinet creature. Et earum quidem [bonitatis illius participes b quædam sunt, quod sint, quædam quod vegetentur, quædam vt vita viuant, sentiantque; aliæ verò, vt intelligent, participesq; fiant Diuinitatis:] per eius scilicet fruitionem, & gaudium, cuiusmodi homines sunt in via, & beati in patria. nos ergò de hominibus in hac vita per mystica exercitia, conuersationem suam in cœlo collocare gestientibus Deo fauente, ordinatè dicemus, per totam hanc summam. & principiò quidem hic dicitur.

I. *Quod Ordo Summa Mystica sit practicus, non scholasticus.*

II. *Quid sit Theologia Mystica?*

III. *Theologiam Mysticam secundum hanc summam practicam, dividit in duas partes, seu modos, scilicet in modum operandi naturaliter, & in modum operandi supernaturaliter.*

IV. *De varijs quibusdam conditionibus modi tam naturaliter, quam supernaturaliter operandi.*

V. *A Theologia Mystica arcendose esse malos, & incapaces.*

ARTICVLVS PRIMVS.

Quod Ordo Summa Mystica sit practicus, non scholasticus.

Principiò itaque pro instituto nostro, quod practicum, non scholasticum est, mystico Lectori sciendum, nullas quæstiones scholasticas, aut mysticas à nobis disquiri; nisi in quantum praxi deseruiunt: vndè ea, quæ à mysticis Scriptoribus, sparsim trædita sunt,

consecutuo ordine prosequimur, vt ab infimis per medios, vsque ad supremos diuini animi status, dispositiones, & operationes magis notabiles; nihil tam non desit, quam ex altero, tanquam ex præmisso, & inductione subsequatur; per paraphrases quidem simpliciorum praxi, per decisiones verò scholasticis doctioribus, mystico-scholastico autem, utroque modo, dilucidius consulentes.

a. *Sap. 8.* b. *S. Dionys. de diuin. nom. c. 4.*

PRIMÆ PARTIS

² Idque non tantum circa status, eorumq; infimas, medias, & supremas regiones; sed etiam, & quam maximè circa instantaneas, pro hic, & nunc, operationes: quo ita [bonum a ordinis, in singulis consistens] penitus agnoscatur. [ordinis enim ignorantia b perturbat formam meritorum, nec reputatur perfecta rei cognitio, in nobis existere, cum scimus, quid sit in nobis faciendum; & ignoramus, quo ordine sit procedendum.] & hoc eo facilius fieri debuit, quo utilius & iucundiùs, dilucida, brevisque doctrina, sapientis animum solet afficere. atque hac vel maximè de causa, quamlibet decisionem in articulos subdiuidimus, ut illa, quæ substantialem aliquam explicationem poscunt, per separatam distinctionem, sic clarius & breuius, ut simul etiam magis neruosè tractentur.

De industria autem positæ sunt plures sententiae in illis locis, in quibus aut inter Scholasticos, aut Mysticos, aliqua disceptatio solet torqueri; ut illarum varietate, & splendorem veritatis, & oblectamentum pietatis liceat concipere. Et hoc ipsum quidem, per sacrae Scripturae, sanctorum Patrum, in arcano Dei amore magis expertorum, nec non Theologorum autoritate præstantium, (quo ad fieri potuit) ipsamet verba, atque sententias. Et quamuis scholastico scientifico, seu accurato ordine spectato, singulari status primò theorice, dein immediate practice, tractari deberent; quia tamen amoris impatientia hoc rejecere videtur, quod illicò suum non sonuerit, ideo praxin Theoræ anteposuimus, ne (quod maximè spectamus) ab eo quod

a S. Thom. l.1. cons. Gent c.78. b S. Ambros. apud S. Bonav. in solil. c.1. c hic infra. Quid

practico ordini inferuit, vel in minimo deficeret videamur.

Hinc etiam ea quæ ad notitiam praxis faciunt, non per quæstiones, sed per decisiones explicamus. Verè enim diuinorum amans, non tam longam disputacionem, quam simplicem instructionem, & veritatis cognitionem inquirit, ei que labens, ac modestè acquiescit: ipsas autem decisiones secundum substantiales materias, ita distribuimus, ut ad vniuersalem notitiam, omnium modorum Deum amandi, nil desit; & ideo, vel à statu prælibaminum mysticorum, & à modo Deum amandi, qui in ipsis Dæmonibus, & peccatoribus reperitur, incipiimus; & conformiter ad praxin, omnes status, dispositiones & operationes magis notabiles, vsque ad claram visionem Beatorum prosequimur: intermediè, ad propria loca ea inferentes, quæ sic in illo, ut non citius in alio loco intelligantur. Vnde, v. gr. ea quæ in decisione c quinta habentur in genere, ad omnes status modorum operandi naturaliter, si ante statum meditationis, & pro decisione quarta, posita fuissent, à meditante non fuissent intellecta. Ipsa enim orationis mentalis praxis, oculum spiritualem prius facit, ut discat partem cordis, ex originali peccato vitiatum, effodere; & occultas in se abominationes, intelligere; id quod etiam in alijs decisionibus per totam summam, vtriusque partis fieri, pro practico ordine cognoscendo, cum primis retinendum erit. Cum autem frequenter de mysticis functionibus mentio fiat, sequenti articulo dicendum erit,

Quid sit Theologia Mystica.

ARTICVLVS SECUNDVS.

Sicut nō loquimur hoc loco de Theologia scholastica, quæ veritati reuelata nititur, sic nec de Theologia mystica, pro ut tanquam scientia, vel virtus Theologica sive habitus supernaturalis spectatri potest; sed pro ut habet, & cōmunicat vsum, & exercitium, sive fruitionem eorum, quæ speculatiū apprehenduntur, vel etiam propter sui excellentiam, nullo ingenio assequi possunt: sive, pro ut est [fructus a Spiritu sancti, & dicit actuale charitatis experimentum, vel sentimen-tum, sive charitatis fruitionem, quod idem est ac gaudium.] atque ita [ipsa mystica Theologia b non est propriè sci-entia, pro ut scientia est habitus acquisitus, aut etiam infusus informis; qui in specu-latiuum, practicumque diuiditur: imò sapientia ista nunquam informis est, sicut nec charitas. Vnde & in mystica Theologia non dirigitur iugiter sermo men-tis ad Deum; sed ipsa mentis in Deum defixio, admiratio Maiestatis, suspensio animi in Lumen immensum, ac æternale feruentissimum, ac quietissimum, & transformatiuia, seu absorptiuia inspectio Deitatis, est mystica illa Theologia, præ-sertim si accipiat pro actu; si autem sumatur pro habitu, realiter idem est quod præstantissimum donum Spiritus sancti, quod sapientia nuncupatur; sumendo sapientiae donum, non ut est donum gratiæ gratis datae, de quo ait Apo-stolus: Alij per Spiritum datur sermo scientie; sed ut est donum gratiæ gratum facientis supernaturale, & infusum, cha-

ritati inseparabiliter iunctum: de quo loquitur Isaías, requiescat super eum Spiritus sapientiæ & intellectus.]

Maioris insuper elucidationis gratia [Theologia mystica est c extensio animi in Deum per amoris desiderium.] Alter sic: Theologia mystica est motio Anagogica, id est sursum ducentia in Deum per amorem feruidum & purum. Alter sic: Theologia mystica est experimentalis cognitio habita de Deo per amoris vnitui complexum. Alter sic: Theologia mystica est sapientia, id est, sapida notitia habita de Deo: dum ei supremus apex affectiuæ potentia rationalis per amo-rem coniungitur, & vnitur. vel sic: Theologia mystica[est d irrationalis, & amens, & stulta sapientia, excedens laudantes.]

Nobis autem breuiter sit, Theologia mystica notitia contemplativa, sapida Dei, ac diuinorum: notitia quidem, quia est proprius actus substantiæ intellectua-lis, in ordine ultimati boni inchoatus duntaxat; ut autem sit completus, & perfectus, additur sapida Dei, ac diuinorum. [ad beatitudinem enim non solum e requiritur visio, quæ perfecta est ultimi, & intelligibilis finis cognitio; sed etiam comprehensio, quæ finis præ-sentiam respicit; & fruitionem, quæ rei amantis in amato quietationem impor-tat, & est gaudium, seu delectatio de aliquo bono; tanquam de ultimo fine.] [Amor itaque pro ut est fvehemens de-siderium viræ æternæ.] [Theologia my-stica est, g & quedam occultissima sapien-tia; quam immediatè Deus solus homi-

A 2 dem

c Gerson. Theol. spec. con. 28. d S. Dion. de di-uin. nomin. c. 7. e S. Thom. 1. 2. quaest. 4. art. 2. c. f. S. Thom. supp. em. q. 95. g Harph. l 3 p. 1. c. 6.

a S. Thom. 1. 2. q. 112. a. 5. ad 4. b Dicenys. Carthus. in Theol. myst. S. Dion, q. 3. a. 5. c.

nem in spiritu edocet.] & est [charitas, secundum quod est singularis quædam & amicitia hominis cum Deo.] hinc ergo mystica, seu occulta iure meritò dicitur, ac habens arcana, ad sacra pertinens, silentioque veneranda. Cum autem incipientes, & proficiētes, aliter Theologiæ mysticæ functiones exerceant, quam perfecti; consequenter dicendum est,

Theologiam mysticam secundum hanc summam practicam, diuidi in duas partes, seu modos, scilicet in modum operandi naturaliter, & in modum operandi supernaturaliter.

ARTICVLVS TERTIVS.

Duplicem b esse Theologorum traditionem, alteram quidem occultam & mysticam: alteram planam, & notiorem: & illam quidem signis contineri, atque perficiendi vim habere: hanc sapientiæ studiosam esse, & demonstrandri habere vim: atque hanc quidem probare, & confirmare eorum quæ dicuntur, veritatem, illam autem efficere, & collocare in Deo obscuris, & quæ doceri non possunt modis, & instructionibus: non enim more hominum, & medio interiecto, sed purè & sanctè; ac more humano superiori, & efficaciter sua considerat;] non est illa, quam hoc loco intendimus, distinctio. Nostri enim instituti non est; de plana & notiore illa, quæ hodie scholastica dicitur tractare; sed contemplationis diuinæ, ordinatam prosecutionem, ab infimis viisque ad supremos huius vitæ status, tradere. Per se autem [Theologia mystica du-

plicem cibum c apponit, alterum firmum & stabilem, alterum liquidum, & profluente; solidum quidem cibum significare arbitror, mentis participem, stabilemque, ac eodem in statu manentem perfectionem; qua diuinatum rerum participes fiunt sensus illi mentis, perstantem, potentem, singularem, individuamque scientiam. Liquidum autem, fluxionem quæ vim habet diffusionis, & foras excurrete studet. Varijsque etiam, ac multis, & diuiduis, eos qui educuntur pro captu & modo suo, ad simplicem, stabilemque Dei scientiam, benignè deducit.] Et ex tali pariter cibo [duplicem cordis munditia progignitur; Vna d quidem præambula, & dispositua ad Dei visionem; quæ est depuratio affectuum, ab inordinatis affectionibus. & hæc munditia cordis fit per virtutes, & dona; quæ pertinent ad vim appetitiuam. alia vero munditia cordis est, quæ est quasi completiva, respectu visionis diuinæ. & hæc quidem est munditia mentis depuratæ à phantasmatibus, & erroribus: vt scilicet ea, quæ de Deo propoununtur, non accipiuntur per modum corporalium phantasmatum.] [diuinis enim viris sacrarum rerum radius, quod spiritali cognitione teneantur, sincerè ac per se, re nulla e interiecta collucet, mentisque eorum captum, planè odore perfundit.]

Et secundum hæc, maioris perspicuitatis gratia, totiusque negotij mystici breuitate, summam hanc practicam in duas partes diuinximus, diuidimus; scilicet in modum operandi naturaliter, id est,

a S.Thom. 2. 2. q. 23. a. 1. c. b S Dion. epist. ad Tit. c S. Dion. epist. ad Tit. Pontif.
d S.Thom. 2. 2. q. 8. a 7. c. e S. Dion. de Ecccl. hierarch. c. 4.

est, cum phantasia, & discursu; & in modum operandi supernaturaliter, id est, cum pura & simplici intelligentia, absque vnu phantasie, & rationis discursu: idque habitualiter per dona intellectus, & maximè sapientiae. Vel, vt solidius dicamus, [duplex & requiritur contemplationis genus, unum secundum humanum modum, quatenus, et si fiat cum auxilio ordinario gratiae, adaptatum tamen nostro connaturali operandi modo, utique; medio discursu praevio, nec non cooperatione phantasie: aliud verò supra humanum modum, quatenus nimirum ex specialissimo auxilio gratiae, correspondente dono intellectus, mens eleuatur ad hoc, ut sine predictis imperfectiōnibus, pro hoc statu connaturalibus, veritatem quasi nudam cōtempetur.] & hoc [per gratiam b eleuantē in altiorem statum, quamvis status non mutetur viatoris.] Prior ergo modus incipientes, & proficientes complectitur, nam [connaturalis & modus est naturae humanae, ut Deum nō nisi per speculum creaturarum, & per ænigmata similitudinem percipiat.] Secundus verò modus, perfectos respicit, qui [qui spiritualia quasi nuda & veritate vident; supra humanum modū per donū intellectus.] maximè verò per donū sapientię.

Per hanc verò duplēm distinctionem nolumus contraire ordinariæ tripli distinctioni; quæ circa incipientes, proficientes, & perfectos solet considerari. (incipientes enim, & proficientes, sub naturali modo operandi, perfectos

autem solos sub supernaturali modo operandi complectimur) sed attentes maiorem radicationem in charitate, per interna exercitia contemplationis, seu orationis mentalis, inuenimus mysticum quandoq; naturaliter, seu cum vnu phantasie, & rationis discursu, quandoque autem sine illorū admixtione, pura intelligentia, & substantijs separatis conformi modo, per dona intellectus, & sapientiae operari. Iam verò [cum tres gradus charitatis distinguantur, non secundum intensionem, & maiorem e radicationem in charitate; sed secundum varia studia, & exercitia habentium charitatem incipientium, proficientium & perfectorum:] minus propriè, maiorem radicationem, & perfectionē in charitate respiciunt, ac practicos status secundum naturalem, & supernaturalem modum operandi, non satis distinguunt.

Cum autem de statibus naturaliter operandi incipientium, & proficientium, à quam plurimis copiosè scriptum sit; nos de illis tota prima parte breuiter, & summarie duntaxat tractamus, quo ita mysticus, magis ordinatè intelligat, quæ fuisse apud alios legerit: at directè vim & operam nostram in statibus modi operandi supernaturaliter, ad facilem intelligentiam collocamus, cum illorum cōsecutiuus ordo in praxi, non clarè, sed obscurè admodū, & vix laboriosè colligi possit ex tot mysticorum libris. Vnde etiam post accuratum, & consecutuum ordinem mysticorum statuum, in illis contentas infimas, medias, & supremas

A ; regio-

a S. Thom. in 3 sent. d. 34. quest. 1. a. 2. & disp. 33. q. 2. a. 2. & latè Nic. à Iesu Elucid. p. 2. c. E.
b S. Thom. quest. 10. de ment. a. 3. c S. Thom. 3. sent. d. 34. a. 2. q. 1. & d. 35. q. 2. a. 2. d S. Thom.
ibid. e S. Thom. 2. 2. quest. 24. c. 9.

regiones, magis notabiles, & scriptio[n]i dignas practicè exponimus; pro innumerabilibus autem, & inexplicabilibus momentaneis operationibus (quo ita mysticus in exercitio actus, etiam minutissima quæque intelligere, purgare, illuminare, & perficere possit) fuse, & quo ad fieri potuit, dilucidè a tractantes. que omnia priusquam hant, maioris perspicuitatis gratia, de ampliori differentia modi operandi naturaliter, & supernaturaliter hic consequenter dicemus,

De varijs quibusdam conditionibus modi tam naturaliter, quam supernaturaliter operandi.

ARTICVLVS QVARTVS.

Pro utriusque b[ea]titudinem autem modi varijs conditionibus, sciendum erit primò, quod sicut in his duobus modis: [voluntas fertur in finem & absentem, cum ipsum desiderat & præsentem, cum in ipso requiescens, delectatur.] ita etiam utriusque modi cum Deo vno, sicut desiderium, & delectatio differat. naturalis enim modus, per proprias actiones incessanter contestatur, quia Deus sit, quem querit anima eius; supernaturalis autem modus, vt iam de obtento, & possesso gaudium excitat. [amor enim facit d[omi]nionem, vel effectiu[m] mouens ad desiderandum, & amandū presentiam amati, quasi sibi conuenientis; (pro incipientibus, & proficientibus) vel formaliter, vt amor amicitiae, qui est talis vno, vel nexus,] pro perse-

ctis. [his quidem perfectam e fruptione ultimi finis habiti, realiter; his autem imperfectam, & vt plurimum in intentione, tantum tribuendō.] Secundò, quod [limitari ad humanum modum, (scilicet operandi) non sit aliud, quam limitati ad discursum, & rationem; ita tamen, vt ratio per discursum perueniat ad cognoscendum illud, quod intellectus sine discursu cognoscit.] [Intellectus enim & ratio, differt, quantum ad modum cognoscendi; quia scilicet intellectus cognoscit simplici intuitu; ratio vero discurrendo de uno ad aliud.] Tertiò, quod incipientes & proficienes, aliquando per accidens, ad modum operandi supernaturaliter pertingere valeant, ac etiam ad actus infusos h[ab] recipiendos, capaces sint. Quartò, quod [impeditur actus i[ns] contemplationis, (in quo essentialiter est vita contemplativa) & per vehementiam passionum, per quam abstrahitur intentio animæ, ab intelligentibus ad sensibilia, & per tumultus exteriores:] quo ad usque per virtutes morales impeditur vehementia passionum, & sedetur exteriorum occupationum tumultus. Quintò, quod quamdiu vt plurimum, & ordinariè mysticus procedit secundum rationis discursum, ad naturalem statum redigatur, vel incipientium, vel proficientium: quando vero ordinariè vt plurimum, sub uno intelligentiae radio operatur, ad supernaturalē modum maioris radicationis in charitate referatur. Sextò, quod hi duo modi, ita inter se differant, sicut umbra,

a &c

a infra 2. p. para. 6. q. 9. b 2. p. dec. 6. q. 9. b ut latius inf. 2. par. Dec. 1. c S. Th. 1. 2. q. 3. a. 4. c. d S. Thom. 1. 2. q. 28. a. 1. c. e S. Thom. 2. 2. q. 24. a. 9. c. q. 11. a. 4. c. f 1. 2. q. 68. a. 2. g S. Thom. de Intell. & Intellig. opusc. 53. h & infra decisi 10. a. 5. i S. Thom. 2. 2. quest. 180. a. 4. c.

*A Theologia Mystica arcendos esse malos
& incapaces.*

ARTICVLVS QVINTVS.

¶ & imago. quia incipientium, & profici-
cientium modus, ex sua natura, phanta-
matum vmbbris, & distinctionibus subij-
cit; perfectorum autem per dona in-
telle&tus, vel sapientiæ, quo ad fieri po-
test viuam, & claram imaginem vitæ æ-
ternæ, in se producit. hinc etiam ad pul-
chritudinem vniuersi contuendam, suf-
ficientissimè diuina illa sapientia, creauit
duo tantummodo luminaria, b luminaria
re scilicet minus, vt præcesset nocti; & lu-
minare maius, vt præcesset diei: alijs si-
deribus, ab his duobus abundanter, pro
sua cuiusque capacitate participantibus.
Vnde etiam incipientibus, & proficien-
tibus, (quantumcunque benè sua perege-
rint) lumen minus, scil. naturalis modi
operandi, perfectis autem lumen maius,
scil. supernaturalis modi operandi, suffi-
cit. Septimo, quod sicut modus natura-
liter operandi, habet statum purgatiū,
scil. meditationis, & illuminatiū, scil.
aspirationis, ac perfectum, scil. contem-
plationis; sic etiam modus operandi su-
pernaturaliter, habeat statum purgatiū
in priuatione, illuminatiū in vnione,
perfectissimū in transformatione. Octa-
uò, quòd vterque modus non tantum se-
cundūm hos tres status continuò proficiat
· sed etiam, quod in exercitio actus;
& roties, quoties, in mentali oratione,
se[m]e] mysticus Deo coniungere conatus
fuerit, operationes intelle&tuales purga-
re, illuminare, & perficere habeat: pro
vt etiam in praxi c latius ostensum est.
vt autem hæ margaritæ ante porcos non
projiciantur, consequenter dicimus,

C Vm[plerisque ad diuinam d & oc-
cultam diuinarum mentium Veri-
tatem, aditus non pateat] sed [solis e vi-
ris sanctoritatis studiosis, & amatoribus]
aperiatur; sollicitè agendum est, vt non
tantum profani, ab ea arceantur, seu illi
qui [sacris f nostræ religionis non sunt
initiati] sed etiam, qui fœtoribus pecca-
torum, voluntariè, & voluptuosè nigres-
cunt, vel qui nondum per mortificatio-
nis, & virtutis studia, animi candorem
acquisuerunt.

Et sicut eiusmodi à sola notitia cohi-
beri debent, ita vel maximè in praxi ab
omni felicitate mystica alieni censendi
sunt, qui Dei sapientiam in mysterijs ab-
sconditam ignorantes, ingenij sui pruritu,
ex cogitatas cōpositiones prædicare ge-
stiunt; ea arrogantiae præsumptione tu-
midi, vt quæ ignorant, g blasphemant,
quæcunque autem naturaliter tanquam
muta animalia norunt, in his corrūpan-
tur, verisque Dei amicis quoquo modo
molestias inferant. de quibus in locis
proprijs, & ad praxin accommodis h vti-
lius, quam hic latius dicendum iudicau-
imus. præsertim quod status priuationis
opus cuiusq; rigidè satis examinet, ac ad
purum excoquat; in supernaturalibus au-
tem operādi modis, nullus figurantis re-
lietus sit locus. Iam vero priusquam de
statibus, & operationibus directe mysti-
cis loquamur, de illis, quæ implicitè my-
stica aspiciunt, hic breuiter dicendū erit.

S T A-

a Hebr.10. b Genes.1. c infra 1.p.decis.7. a.8. & 2.p.par.6. & 9. d S. Dion. de cœlest. hierar. c.2.
e Epist. ad Tit. f Theol. Myst. c.1. g Epist. Iud. h infra Decis.7.a.7. & Decis.7.4.2.